

【國家社會科學基金重大項目】

何建明 主編

中國地方志
佛道教文獻匯纂

人物卷

(21)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
佛道教文獻匯纂
(21)



國家圖書館出版社

中國地方志佛道教文獻匯纂·人物卷
江蘇省 徐州市

徐州志

明·梅守德修 任子龍纂
明嘉靖間刻本

徐州志卷之九

人事志四

方外

夫玄祖清虛釋談寂滅二家似是流世久矣是以
仙宮梵宇其徒日滋雖其爲道別爲一端然類聚
焚脩上祝 國釐下化愚俗亦 聖世之所不逆
也列爲方外庶備旁稽

州

玄澤

晉

彭宗彭城人年二十服藥於杜冲乃棲真味道精
貫人神嘗從師採藥忽墮深谷蹈蛇中曾無愠色
乃授丹經五千文宗寶而脩之洞暢幽漠能三晝
夜爲一息或一年不動人以爲死及起顏色愈鮮
山中蛇虎見之並潛伏

南北朝

道生彭城人父爲廣戚令道生爲沙門法大弟子
幼而聰悟年十五便能講經及長有異解立頓悟

義

宋

戴日祥元豐初道士也嘗隨蘇軾遊桓山爲鼓雷

氏之琴

按舊志僧參寥子嘗從蘇軾來徐初非徐產今不書

國朝

恒斌本京刹僧宣德間以薦住持徐州卧佛寺國
子祭酒李時勉序以贈之其畧曰恬靜寡慾進脩
清勤言不妄發事不苟爲人不泛交斌住徐州五
十年餘精持戒律始終不渝李序非過譽矣

蕭縣

玄釋

宋

曹國舅紹聖四年蟬蛻於玉虛觀在縣東南五十里今更名騰雲寺

元

徐神翁蕭人居縣東南八十里陳疇村通黃白之術家曰殷富曾建願窮堂不富亭後白日升舉今丹井遺址存焉

國朝

劉淵然號體玄子蕭人祖母謝夢紫衣道者入室而生及長遇異人授以秘書呼召風雷効治鬼物高皇帝建西山道院以居之 昭皇帝賜以御書曰長春真人宣德七年八月八日屬其徒曰氣聚而生氣散而死生死一理吾將逝矣引手作一圈曰呵呵趺坐而化翰林豫章胡儼作傳并贊曰羽衣協夢靈岳儲精至人授受金書玉經掌握風雷行通神明褒封寵錫終始恩榮飄然乘化逍遙太

清按南畿通志唐張果嘗寓居瀟東南山洞中考非蕭人不書

沛縣

玄釋

春秋

琴高居香城泗水中以善鼓琴爲康王舍人行彭涓之術浮遊碭間二百餘年後入碭中娶龍子乘赤鯉出入按高雖楚人其終始於沛碭與流寓同書之

晉

王玄甫學道於赤城霍山服青精石飯得吞日精

丹景之法內見五臟穆帝永和元年正月望日白

日昇舉爲中嶽真人

見一統志并舊志

國朝

鹿鳳幼習百家陰陽雜書善祈禱法術邑人旱暵

必叩雨如響應

碭山縣

玄釋

春秋

琴高楚人

詳沛

元

洞真子涿州人姓丘壯年學道至元庚寅北游京師謁真人祁公賜號寶岩大師旣退東南游鄒嶧山拜丹陽真人爲師道侶共號爲洞真子乃西游楊山遇胥井人趙志堅創建琳宮功成達于集賢院并掌教大師賜宮名聚仙洞真子爲真靜大師兼本宮提點延祐乙卯邀里中故舊會茶訖託以他往告別次日人見其西去其弟子志堅闢戶視之羽化矣

豐縣

玄釋

三國

舊志人物傳張魯沛國豐人也以鬼道教民自號師君似宜省入玄按魯祖父客蜀已非豐產而其左道惑衆名五斗米賊尤爲妖誕今特削去

元

雲真子姓房名德穩早慕玄風學道萊州長春真人門號雲真子攻苦食淡餘二十年嘗居豐三年

不出至元三年即曲豆勝境構建洞真觀

卷之九

九

中國地方志佛道教文獻匯纂·人物卷

江蘇省 徐州市

徐州志

明·姚應龍等纂修

明萬曆五年（一五七七）刻本

徐州志卷之六

方外

玄祖清虛釋談寂滅二家似是流世久矣是以仙宮梵宇其徒日滋雖其爲道別爲一端然類聚焚修上祝國輦下化愚俗亦聖世之所不逆也列爲方外庶備旁稽

徐州

玄釋

晉

彭宗彭城人年二十服藥於杜冲乃棲真味道精貫

人神嘗從師採藥忽墮深谷蹈群蛇曾無懼
乃授丹經五千文宗寶而脩之洞暢幽漠能三晝
夜爲一息或一年不動人以爲死及起顏色愈鮮
山中野虎見之並潛伏

唐高僧人父爲廣戚令道生爲沙門法大弟子幼
而聰悟年十五便能講經及長有異解立頓悟義

唐元豐初道士也嘗隨蘇軾遊桓山爲鼓雷氏

之友

按此僧名余從蘇軾來余初見余座今不書

國朝

恒斌本京刹僧宣德間以薦住持徐州臥佛寺五十餘年精守戒律始終不渝國子祭酒李時勉序以贈之其略曰恬靜寡慾進脩清勤言不妄發事不苟爲人無二之交

蕭縣

玄釋

宋

曹國舅紹聖四年蟬蛻於玉虛觀在縣東南五十里

今更名勝雲寺

元